

Биваетъ же сице. Възьмъ // **светое еуагглие** или псалтирь, постивсе ^{л. 201} на ще² срьдце, пръвее убо поп трисвето съ съкрушениемъ срьдцемъ и помолисе къ богу. Таже прекрестивъ³ светимъ еуагглиемъ⁴ **или въ псалтири** глаголе въ срьдци своемъ и выпрось, о нем же благовещаешь. И разьгнувъ дрьжи леву страну от начела и възми првее сло⁵ првие врьсты. И аще убо есть лихое таковое слово, якоже сие — **А, Г, Е, З, Ё, І, Ј, Н, О, Р, Т, Ф, Ц**⁶ — сиаа убо суть лиха, пишими чрьту едину. Аще ли есть слово тъмное, сиречь **В, Д, И, К, М, Ѳ, П, С, У, Х, ѿ**, пишими чрьти две. Такожде твори и въ првѣмъ слове вторѣе врьсти и третѣе и четвѣртѣе, и подпиши четири слова спаа по чину ихъ — или тъкма суть, или лихаа, или смеснаа — и яковъ изидетъ образъ от тогжде слова, // **едино** ^{л. 201 об.} есть от 16 тыхъ еиже писанныхъ, и яко же въ коемъждо являеть, приими ответъ къ выпрошению твоему.

Прѣвѣи образъ есть сиковъ — **1111**, еже от четирыхъ лихыхъ словъ, еже от начела четирыхъ врьсть распростреши сице якоже видѣши, и нарицаетсе сицевѣи образъ путь. Являеть же путь и прехождение от места на место с ползею и благое изменение.⁷ Аще ли есть выпрошение о некоей вещи, веждь яко ползно есть начети выпрашающему по выпрошенѣи вещи, просто бо яково будетъ выпрошение, являеть образъ успяние.

Вторѣи образъ сиковъ есть — **2222**, еже от тъмныхъ словъ и четирыхъ и нарицаетсе людѣе и събрание, являетьже людѣе и събрание и **врагъ царевех** // **отступленіе**. Аще ли о некоей вещи есть выпрошение, являеть ^{л. 202} скръбь и смущение и людѣе събрание ради оное битѣи вещи, и судилище и любопрения и не ползуетъ прочее на ти вещи. Аще ли смущение будетъ не въ добро сънидетъсе.

Третѣи образъ есть сиковъ — **2211**, еже от двѣю тъмныхъ словесъ и двѣю лихыхъ, и нарицаетсе вели⁸ Христа чьсть, **являе же царство и власть** и чьсть велику и надръжаніе врагъ и победу въ бранехъ. Аще есть о семъ выпрось, аще ли есть о некоей вещи, яко ползуетъ начети сию — будетъ бо и въ чьсть приключитсе выпрашающему.

Четвѣрти образъ сиковъ есть — **1122**, еже от двѣю лихыхъ и двѣю тъмныхъ и нарицаетсе малаа чьсть⁹ и власть, **опаче**¹⁰ **невелику** // и високу. ^{л. 202 об.} И аще о царствѣи есть выпросъ, ползуетъ начети сего, и **просто всако выпрошеніе** въ добро приключитсе.

Петѣи образъ сиковъ есть — **2221**, еже от трехъ тъмныхъ и единого лихаго и нарицаетсе неулучение и печаль. Являеть же **тесноту и печал** и възбращение выпрошаниа. И аще убо о побѣде врагъ выпрошеніе — побѣдитсе выпрошаеи и покоритсе врагомъ своимъ и **опечалитсе теми**. Аще ли о побѣжденнѣи¹¹ брани — разбиень будетъ выпрашаеи¹² и просто всако выпросъ сиковѣи образъ неулучение и лишение¹³ и печалъ являеть.

Шестѣи образъ сиковъ есть — **1222**, иже от единого лихаго и трехъ тъмныхъ, нарицаетсе улучение и радование¹⁴ и веселіе и улучение выпрошеніа и чьсть и въздвиженіе и богатство и възхожденіе, // и выпрашаеи ^{л. 203} аще о побѣде — врагъ **побѣдитъ**. Аще ли о немощи — являеть здравіе, аще ли о чедотвореніи — зачнетъ жена и родытъ мушко и просто о все радостѣи и веселіи кажетъ.

Седми образъ сиковъ есть — **1221**, иже от единого лихаго и двоихъ тъмныхъ и единого лихаго, **являеть же неулучение** выпрошеніа. И аще о брани выпрошеніе — побѣжденнѣи будетъ выпросивѣи и обладанъ будетъ. **Аще ли о немощи** — дльго болевъ недужни скончаваеце и просто все неулучение являеть.

² на чте. ³ Далее в рукописи выскоблено слово светывъ. ⁴ светое евангелие.
⁵ слово. ⁶ В рукописи буквы написаны под титлами. ⁷ Далее пропущено: с добитием; в рукописи выскоблены слова съ достижениемъ?
⁸ велиа. ⁹ Далее пропущено: являет же чьсть. ¹⁰ обаче. ¹¹ о побѣжденнѣи. ¹²⁻¹³ Написано почерком писца вдоль левого поля. ¹⁴ Далее пропущено: являет же радость и красование.